



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

MOPHATO 12

SETSWANA PUOTLALELETSO YA BOBEDI (SAL)

PAMPIRI YA BOBEDI (P2)

NGWANAITSEELE 2013

MEMORANTAMO

MADUO: 80

Memorantamo o, o na le ditsebe di le 10.

KAROLO YA A: RUBORIKI YA TSHEKATSHEKO YA GO TSHWAYA TLHAMO (40)

	Khoutu: 7 Phitlhelelo ka dinaledi 80–100%	Khoutu: 6 Phitlhelelo ka matsetseleko 70–79%	Khoutu: 5 Phitlhelelo e e tletseng 60–69%	Khoutu: 4 Phitlhelelo e e itumedisang 50–59%	Khoutu: 3 Phitlhelelo ka tekano 40–49%	Khoutu: 2 Phitlhelelo e e tlhaelang 30–39%	Khoutu: 1 Ga a fitlhelela 0–29%
DITENG LE IPAACKANYO (MADUO: 28)	22½–28 -Diteng di matsetseleko le boithamededi jo bo kwa godimo. -Dikgopolo tse di tsibosang e bile di bontsha kgolo. -Ipaakanyo/Maiteko a ntlha a tlhagisa tlhamo e e se nang diphoso e bile e kgatlhisa.	20–22 -Diteng di supa boithamededi. -Dikgopolo di na le boikakanyetso e bile di a kgatlhisa. -Ipaakanyo/Maiteko a ntlha a tlhagisa tlhamo e e bontshang kitso le go kgatlhisa.	17–19½ -Diteng di maleba e bile di na le kgolagano e e rileng/isehang. -Dikgopolo di a kgatlhisa le go usa pelo. -Ipaakanyo/Maiteko a ntlha a tlhagisa tlhamo e e ntle e e kgatlhisang.	14–16½ -Diteng di maleba e bile di tshwaragane sentle, di a kgatlhisa e bile di itlhametswe sentle. -Ipaakanyo/Maiteko a ntlha a tlhagisa tlhamo e e kgotsotatsang e bile e kgatlhisa.	11–13½ -Diteng di magareng, tlwaelegile. -Go na le diphatlha tsa kamano. -Dikgopolo di maleba. -Boithamededi jo bo rileng. -Ipaakanyo/Maiteko a ntlha a tlhagisa tlhamo e e lekaneng, e e kgatlhisang le go lomagana.	8½–11 -Diteng go le gantsi ga di tlhaganyege. -Ga go kgolagano ya dintlha. -Dikgopolo tse di mmalwa e bile di boleditswe. -Go sa lekaneng ga maemo a puotlaleletso ya bobedi ntle le maiteko a ntlha. -Tlhamo ga e a tlhagisiwa sentle.	0–8 -Diteng ga di maleba gotlhelele. -Ga go kamano. -Dikgopolo di gasagane le go boelediwa. -Ipaakanyo/Maiteko a ntlha a tlhagisa tlhamo e e sa lekaneng. -Tlhamo e e bokoa.
PUO, SETAELE LE GO TSEREGANYA (MADUO: 7)	6–7 -Puo le matshwao a puiso di dirisitswe ka tolamo. -Tiriso e e kgodisang ya dikapuo.	5–5½ -Puo le matshwao a puiso di lolame. -Tlhopho ya mafoko e siametse temana. -Setaele, segalo le rejiisetara di maleba le setlhogo. -Bogolo ga go diphoso ka ntlha ya go buisa gape le go siamisa.	4½ -Go na le bosupi jwa tirisopuo e e usang pelo. -Puo le matshwao a puiso di nepagetse. -Tlhopho ya mafoko e siametse temana. -Setaele, segalo le rejiisetara di siametse setlhogo. -Go le gantsi ga go na diphoso go ya ka go buisa gape le go siamisa.	3½–4 -Kitso e e rileng ya kgatelelo ya puo. -Puo e e botlhofo, matshwao a puiso a lekanetse. -Tlhopho ya mafoko e e lekaneng. -Setaele, segalo rejiisetara di tsamaelana le ditlhokego tsa setlhogo. -Go sa ntse go na le diphoso tse di mmalwa.	3 -Puo e e mo magareng, matshwao a puiso ga a dirisiwa ka nepo, fa gongwe a fosagetse. -Tlhopho ya mafoko e e sa reng sepe. -Setaele, segalo, rejiisetara di tlhoka kgolagano. -Go na le diphoso.	2½ -Go na le diphoso tsa puo le matshwao a puiso. -Tlhopho ya mafoko a mannye. -Setaele, segalo, rejiisetara ga di a lekana. -Go diphoso.	0–2 -Puo le matshwao a puiso di fosagetse gotlhelele. -Tlhopho ya mafoko ga e a lekana. -Setaele, segalo le rejiisetara di fosagetse gotlhelele.

	4–5	3½	3	2½	2	1½	0–1
KAGEGO (MADUO: 5)	-Go ikamanya gotlhelele le setlhogo. -Diteng di maleba tota. -Dipolelo, ditemana di tlhamilwe ka tsela e e kgodisang. -Boleele bo maleba le ditlhokego tsa tlhamo.	-Go ikamanya thata le setlhogo. -Dipolelo le ditemana di tlhamilwe sentle. -Boleele ke jo bo lekaneng.	-Go ikamanya le setlhogo go go rileng. -Dipolelo le ditemana di tshwaragane sentle. -Boleele jo bo lekaneng.	-Dintlha dingwe tse di tlhokegang di tlhagisitswe. -Dipolelo le ditemana di fosagetse mme tlhamo e na le tlhaloganyo. -Boleele ke jo bo lekaneng.	-Bontsi jwa dintlha bo tlhagisitswe. -Dipolelo, ditemana di ka ne di fosagetse fela tlhamo e na le tlhaloganyo. -Boleele ke jo bo lekaneng.	-Go tswa mo setlhogong ka dinako dingwe mme o sa kgone go latedisana dikakanyo, dipolelo le ditemana. -Boleele – tlhamo e telele/khutshwane thata.	-Go tswa mo setlhogong gotlhelele. -Dipolelo le ditemana di tlhakatlhakane. -Ga go na tatelano. -Boleele – tlhamo e telele/khutshwane thata.

KAROLO YA B: RUBORIKI YA GO TSHWAYA DIKWALO TSE DILEELE TSA TIRISANO (20)

	Khoutu 7: Phitlhelelo ka dinaledi	Khoutu 6: Phitlhelelo ka matsetseleko	Khoutu 5: Phitlhelelo e e tletseng	Khoutu 4: Phitlhelelo e e itumedisang	Khoutu 3: Phitlhelelo ka tekano	Khoutu 2: Phitlhelelo e e tlaelang	Khoutu 1: Ga a fitlhelela
	80–100%	70–79%	60–69%	50–59%	40–49%	30–39%	0–29%
	11½–14	10–11	8½–9½	7–8	6–6½	4½–5½	0–4
DITENG, TOMAGANO LE POPEGO (MADUO: 14)	-Kitso e e manonthotho ya ditlhokego tsa sethangwa. -Kwalo e e kwa godimo a sa fapoge setlhogo gotlhelele. -Ikamanyo e e matsetseleko le diteng tse di tshegetsang setlhogo. -Kagego e e nepagetseng gotlhelele.	-Kitso e kwa godimo ya ditlhokego tsa sethangwa. -Kwalo e e kwa godimo a sa fapoge setlhogo. -Melao ya kwalo ya sethangwa e dirisitswe ka botlalo.	-Kitso e e mo magareng ya sethangwa. -Kwalo e e maleba a fapogile go se nene. -Bogolo go na le ikamanyo le diteng le dintlha tse di tshegetsang setlhogo. -Tiriso e e tletseng ya melao ya sebopego se se tlhokegang.	-Kitso e e itekanetseng ya ditlhokego tsa sethangwa. -Kwalo e e itumedisang ya diteng le dikakanyo di tshegetsang setlhogo.	-Kitso e e lekaneng ya ditlhokego tsa sethangwa. -Kwalo e e itumedisang ya diteng le dikakanyo di tshegetsang setlhogo.	-Kitso e e potlana ya ditlhokego tsa sethangwa. -Kwalo e e potlana e e seng maleba ya diteng le dikakanyo di tshegetsang setlhogo. -Tiriso e e potlana, e e fosagetseng ya melao ya sebopego se se tlhokegang.	-Go tlhoka kitso ya ditlhokego tsa sethangwa. -Ga go na tomagano ya diteng le dikakanyo. -Dintlha tse di nnye tse di tshegetsang setlhogo. -Ga go na tiriso ya melao ya sebopego se se tlhokegang.
PUO, SETAELE LE GO TSELEGANYA (MADUO: 6)	-Tirisopuo e e nepagetseng e le matlhagatlhaga. -Tlotlofoko e e kwa godimo e le maleba go tebo, baamogedi le bokao. -Tlhokego ya diphoso morago ga puiso le go tseleganya. -Boleele jo bo maleba.	-E tlhamegile bontle ka nepagalo. -Tlotlofoko e e maleba go tebo, baamogedi le bokao. -Bogolo go se na diphoso tse dintsi morago ga puiso le go tseleganya. -Boleele jo bo maleba.	-E tlhamegile le go buisega bonolo. -Tlotlofoko e e maleba go tebo, baamogedi le bokao. -Setaele, segalo, rejisetara ga di maleba. Go se diphoso tse dikalo morago ga puiso le go tseleganya. -Boleele jo bo maleba.	-Popego e e lekaneng. -Diphoso ga di kgoreletse kelelo. -Tlotlofoko e e lekaneng tebo, baamogedi le bokao. -Diphoso tse di mmalwa morago ga puiso le go tseleganya. -Boleele jo bo batlileng bo itekanela.	-O lekile popego, e na le diphoso tse dinnye. -Puo ga e ntsi e bile ga e a dirisetswa tebo, baamogedi mmogo le bokao jwa potso. -Boleele jo bo feteletseng kgotsa jo bokhutshwane thata.	-Kagego ga e maleba e bile go boima go bona kelelo. -Tlotlofoko e tlhoka go phekolwa e bile ga e tsamaelane le tebo, baamogedi le bokao. -Setaele, segalo le rejisetara ga di maleba gotlhelele. -Boleele jo bo feteletseng kgotsa jo bokhutshwane thata.	-Kagego ga e maleba e bile go boima go bona kelelo. -Tlotlofoko e tlhoka go phekolwa tota e bile ga e tsamaelane le tebo, baamogedi le bokao. -Boleele jo bo feteletseng kgotsa jo bokhutshwane go gaisa.

KAROLO YA C: RUBORIKI YA GO TSHWAYA DITLHANGWA TSE DIKHUTSHWANE TSA TIRISANO/TSA TSHUPETSO/ TSHEDIMOSETSO/PONO TSE DI DIRISANG MEKGWA E E FAROLOGANENG YA TLHAELETSANO (20)

	Khoutu 7: Phitlhelelo ka dinaledi	Khoutu 6: Phitlhelelo ka matsetseleko	Khoutu 5: Phitlhelelo e e tletseng	Khoutu 4: Phitlhelelo e e itumedisang	Khoutu 3: Phitlhelelo ka tekano	Khoutu 2: Phitlhelelo e e tlhaelang	Khoutu 1: Ga a fitlhelela
	80–100%	70–79%	60–69%	50–59%	40–49%	30–39%	0–29%
	11½–14	10–11	8½–9½	7–8	6–6½	4½–5½	0–4
<div>DITENG, PAAKANYO LE SEBOPEGO</div> <div>MADUO: 14</div>	<div>-Kitso e e anameng, e e kgethegileng ya ditlhokego tsa setlhangwa. -Bontsha temogo e e tletseng ya bokao jo bo anameng fa a kwala. -Go kwala go go rupeletsweng, moithuti o tsweletsa go tlhomama, ga a rathe sekgwa. -Nyalelano e e tletseng ya diteng le dikakanyo, ditlhaloso tsa maemo a a kwa godimo di neetswe.</div>	<div>-Kitso e e kgodisang ya ditlhokego tsa setlhangwa. -Bontsha temogo e e anameng ya bokao mo ditlhangweng tse dintsi fa a kwala ditiro. -Go kwala go go rupeletsweng – moithuti o tswelela go tlhomama, ga a rathe sekgwa. -Go nyalelano ya diteng le dikakanyo, ditlhaloso di neetswe, mme diteng tsotlhe di tshegetsang setlhogo. -Bosupi jwa ipaakanyo/kgotsa ipaakanyetso ya kwalo ya tlhamo bo tlhagisitse tlhamo e e duleng diatla.</div>	<div>-Kitso e e siameng ya ditlhokego tsa setlhangwa. -Bontsha temogo ka kakaretso ya bokao mo ditlhangweng tse dintsi fa a kwala ditiro. -Go kwala – moithuti o tsweletsa go tlhomama, a sa itemogele dikgoreletsi tse di masisi. -Go le gantsi nyalelano ya diteng le dikakanyo, ditlhaloso di neetswe, mme diteng tse dintsi di tshegetsang setlhogo. -Bopaki jwa ipaakanyo le/kgotsa ipaakanyetso ya kwalo ya tlhamo bo tlhagisitse tlhamo e e kgatlhisang.</div>	<div>-Kitso e e lekaneng ya ditlhokego tsa setlhangwa. -Bontsha temogo nngwe ya bokao mo ditlhangweng tse dintsi fa a kwala ditiro. -Go kwala – moithuti o ratha sekgwa, fela se, ga se kgoreletse maitlhamo a tiro ka kakaretso. -Nyalelano e e itumedisang ya diteng le dikakanyo, diteng dingwe di tshegetsang setlhogo. -Bosupi jwa ipaakanyo le/kgotsa ipaakanyetso ya kwalo ya tlhamo bo tlhagisitse tlhamo e e kgotsofatsang.</div>	<div>-Kitso e e mo magareng ya ditlhokego tsa setlhangwa. -Bontsha tlhaelo e e rileng ya kitso ya bokao mo ditlhangweng fa a kwala ditiro. -Go kwala – moithuti o ratha sekgwa, bokao ga bo tlhagelele. -Nyalelano ya diteng le dikakanyo. Go le gantsi e a tlhaela. -Diteng tse di mmalwa di tshegetsang setlhogo. -Tiro ga e mo maemong a selekanyo sa puo e e tlhokegang, le fa tota a ipaakantse.</div>	<div>-Kitso e e tlhaelang ya ditlhokego tsa setlhangwa. -Bontsha tlhaelo ya kitso ya bokao mo ditlhangweng fa a kwala ditiro. -Go kwala – moithuti o ratha sekgwa, bokao ga bo tlhagelele. -Nyalelano ya diteng tse di mmalwa tse di tshegetsang setlhogo. -Ipaakanyo/Kwalo e e sa itumediseng ya tlhamo. Tlhagiso e e bokoa ya tlhamo.</div>	

	5–6	4½	4	3–3½	2½	2	0–1½
PUO, SETAELE LE BOSUPI JWA PALO (MADUO: 6)	<ul style="list-style-type: none"> -Tlhagiso ya maemo a a kwa godimo ya melao e e maleba ya popego ya setlhangwa. -Thutapuo mo setlhangweng e nepagetse e bile e agegile ka bontle jo bo gaisang. -Tlotlofoko e e humileng, e le maleba mo maitlhomong, baamogeding le mo bokaong. -Setaele, segalo le tirisopuo di maleba go go lebeletswe ditlhokego tsa tiro. -Setlhangwa ka kakaretso ga se na diphoso morago ga go buisiwa gape le go tlhotlwa diphoso. -Boleele bo nepagetse. 	<ul style="list-style-type: none"> -Melao e e tlhokegang ya popego ya setlhangwa e dirisitswe sentle. -Setlhangwa se agilwe bontle, se nepagetse. -Tlotlofoko e maleba tota mo maitlhomong, baamogeding le mo bokaong. -Setaele, segalo le tirisopuo di maleba fa go lebeletswe ditlhokego tsa tiro. -Setlhangwa ka kakaretso ga se na diphoso morago ga go buisiwa gape le go tlhotlwa diphoso. -Boleele bo nepagetse. 	<ul style="list-style-type: none"> -Melao e e tlhokegang ya popego ya setlhangwa e dirisitswe sentle. -Setlhangwa se agilwe sentle, se buisega bonolo. -Tlotlofoko e maleba mo maitlhomong, baamogeding le mo bokaong. -Setaele, segalo le tirisopuo go le gantsi di maleba. -Setlhangwa go le gantsi ga se na diphoso morago ga go buisiwa gape le go tlhotlwa diphoso. -Boleele bo nepagetse. 	<ul style="list-style-type: none"> -Kakanyo e e itumedisang ya ditlhokego tsa popego ya setlhangwa e dirisitswe. -Setlhangwa se agilwe ka go itumedisisa. -Diphoso tse di leng teng ga di kgoreletse kelelo ya dikakanyo. -Tlotlofoko ka tekano mo maitlhomong, baamogeding le mo bokaong. -Setaele, segalo le tirisopuo di siame, di maleba. -Setlhangwa se sa ntse se na le diphoso morago ga go buisiwa gape le go tlhotlwa diphoso. -Boleele bo nepagetse. 	<ul style="list-style-type: none"> -Go kakanyo e e lekaneng ya ditlhokego tsa popego ya setlhangwa. -Setlhangwa se agilwe ka ditlhokego fela tse di tlhokegang. -Diphoso di mmalwa. -Tlotlofoko e a tlhela e bile ga e maleba mo maitlhomong, baamogeding le mo bokaong. -Tlhaelo ya setaele, segalo le tirisopuo fale le fale. -Setlhangwa se na le diphoso tse di mmalwa morago ga go buisiwa gape le go tlhotlwa diphoso. -Boleele jo bo fetang tekano/setlhangwa se se khutshwane thata. 	<ul style="list-style-type: none"> -Go tlhaelo ka kakaretso mo tirisong ya melao e e tlhokegang ya popego ya setlhangwa. -Setlhangwa se agilwe bokoa e bile se thata go se tlhaloganya. -Tlotlofoko e tlhoka go boeletswe, mme ga e maleba mo maitlhomong, baamogeding le mo bokaong. -Setlhangwa se na le diphoso tse di thibang letsatsi, le mororo se buisitswe gape le go tlhotlwa diphoso. -Boleele jo bo feteletseng/ setlhangwa se se khutshwane. 	<ul style="list-style-type: none"> -Ga go a dirisiwa melao ya popego ya setlhangwa. -Setlhangwa se agilwe bokoa e bile go thata go se tlhaloganya. -Tlotlofoko e tlhoka go boeletswe ka tsenelelo mme ga e maleba mo maitlhomong, baamogeding. -Setlhangwa se diphoso gotlhe tse di thibang letsatsi, e bile go tlhakatlhakane gotlhe. -Boleele jo bo fetang tekano/setlhangwa se se khutshwane thatathata.

KAROLO A

MEFUTA YA DITLHAMO

TLHAMO YA KANELO

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Dintlha tse di latelang di tshwanetse go elwa tlhoko fa go tshwaiwa tlhamo ya kanelo:

- Ditiragalo di tshwanetse go latelana sentle mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba.
- Go tshwanetswe go elwa tlhoko gore mofuta o wa tlhamo o a anela.

TLHAMO YA TLHALOSO

Mokwadi mo tlamong e, o tlhalosa sengwe ka mokgwa o mmuisi a tla itemogelang se se tlhalosiwang jaaka go batlega.

Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:

- Motlhatlhojwa o tshwanetse go tlhalosa setshwantsho kgotsa setlhogo ka mafoko a a rileng.
- Motlhatlhojwa a tlhophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.
- Go dirisiwe ditshwantsho tsa pono, modumo, kutlo, go tlhalosa mofuta o wa tlhamo sentle.
- Puo ya botshwantshi e dirisiwe ka boitshimololedi.
- Motlhatlhojwa a bontshe fa a na le maitemogelo mo setlhogong se.

KAROLO YA B

DITLHANGWA TSE DILEELE TSA TIRISANO

2.1 LEKWALO LA KAKGOLO

Lekwalo la botsalano ke le le kwalelwang tsala kgotsa mongwe mo lesikeng, motlhatlhojwa o tshwanetse go dirisa segalo se se mo magareng.

Dintlha tse di tshwanetseng go elwa tlhoko:

- Lekwalo le, le le khutshwane mme diteng tsa lona di tshwanetse go akgola lefapha la matlo/mokhuduthamaga ka tiro e ba e dirileng.
- Go se ka ga nna le diphoso mo lekwalong le.
- Motlhatlhojwa a neelane ka mafoko a a maleba a a supang go akgola.
- Motlhatlhojwa a kwale aterese e le nngwe, aterese e se nne le lebokoso la poso le nomoro ya ntlo ka nako e le nngwe.

2.2 LEKWALO LA GO GOMOTSA

Lekwalo la botsalano ke le le kwalelwang tsala kgotsa mongwe mo lesikeng, motlhatlhojwa o tshwanetse go dirisa segalo se se mo magareng.

Dintlha tse di tshwanetseng go elwa tlhoko:

- Lekwalo le, le le khutshwane mme diteng tsa lona di tshwanetse go tlhalosa ka malome wa tsala ya gago yo o tlhokafetseng, le go tlhalosa ka bokhutshwane ka fa o gopolang moswi ka gona.
- Feleletsa ka go tseletsa go gomotsa le go bontsha maikemisetso a go thusa fa ba tlhoka thuso.
- Motlhatlhojwa a neelane ka mafoko a a maleba a kgomotso.
- Motlhatlhojwa a kwale aterese e le nngwe, aterese e se nne le lebokoso la poso le nomoro ya ntlo ka nako e le nngwe.

2.3 PEGELO

Pegelo ke tlhaloso e e rulagantsweng ya ditiro kgotsa ditiragalo, maitemogelo le diphitlhelelo tsa motlhatlhojwa. Pegelo e neelana ka ditiragalo kgotsa ka mokgwa o bana ba neng ba tshameka ka ona.

E thusa go boloka molaetsa kgotsa tiragalo nngwe ya botlhokwa mo lefelong le le rileng.

Dintlha tse di tshwanetseng go elwa tlhoko:

- Setlhogo sa pegelo se bolela sentle gore e ka ga eng.
- Motho yo o tshwanetseng go amogela pegelo o tlhagisitswe.
- E kwadilwe ka pakapheti.
- Dintlha tsa botlhokwa di totobaditswe.

- Ditlhogwana di kwadilwe ka ditlhaka tse dikgolo.
- Ditlhogwana di neilwe dinomoro gore di fitlhelwe bonolo.
- Motlhatlhojwa o kwadile mosaeno, maemo a gagwe le letlha le a kwadileng ka lona.

2.4 MMUISANO

Mmuisano ke mokgwa wa tlhaeletsano o o dirisiwang ke batho ba le babedi kgotsa go feta ba arogana dikakanyo kgotsa ba buisana ka setlhogo sengwe se se rileng.

Dintlha tse di tshwanetseng go elwa tlhoko:

- Mmuisano o kwalwa ka mokgwa o moterama a kwalang ka ona.
- Go nna dibui di le pedi kgotsa go feta.
- Go nna setlhogo se se rileng se go buisanwang ka sona.
- Maina a dibui a tshwanetse go tlhagelela sentle.
- Kgang e bontshe tshimologo, setlhoa le tharabololo.
- Puo e nne e e tlhamaletseng kgotsa e e loileng go tsamaelana le se se buiwang.
- Matshwao a puiso a tsamaelane le puisano.

KAROLO YA C

DITLHANGWA TSE DIKHUTSHWANE TSA TIRISANO

3.1 PHOUSERARA

E dirisetswa go phasalatsa tiragalo nngwe kgotsa go rekisa sengwe. E bewa gantsi mo marekelong kgotsa mo mebileng go lemosa baagi ka ga se se phasaladiwang.

Dintlha tse di tshwanetseng go elwa tlhoko:

- A setlhogo se tlhagisiwe ka botlalo.
- Mokwalo o ngoke babuisi.
- Ditshwantsho di dirisiwe mme di bonale sentle.
- Dintlha tse di tlhokegang tsa tshedimosetso di tlhagisiwe.
- Letlha, nako le lefelo la tiragalo di tlhagisiwe ka botlalo.
- Tshedimosetso ya megala le leina la yo go ka ikgolaganngwang le ena.

3.2 DITAELO

Ke tshedimosetso ya botlhokwa e e tlhagisiwang pele go diragadiwa kana go dirwa tiro nngwe e e rileng. Ditaello di tlhagisa tshedimosetso mabapi le se se dirwang gore se dirwe leng, kae, jang.

Dintlha tse di tshwanetseng go elwa tlhoko:

- Neela dintlha tsa tshedimosetso tse di tlhokegang.
- Tlhagisa ka botlalo se se tshwanetseng go dirwa.
- Tlhagisa mokgwa o tiro e e laelwang e tshwanetseng go dirwa ka ona.
- Dipolelo tsa gago e nne tse dikhutshwane tse di tshwarelelwang le go gakologelwa bonolo.
- Puo e nne e e bonolo e e tlhaloganyegang.
- Ditaello di tlhagisiwe ka dintlha e seng ditemana.
- Ditaello di se ka tsa nna dintsi thata tsa tloga tsa feta le tiro e e dirwang.

3.3 TALETISO

Taletso ke karata e e dirisetwang go laletsa moeng/baeng go tla moletlong o o rileng. Karata e kwalwa ka mmegi, ka jalo ga go dirisiwe, ke, re, o.

Dintlha tse di tshwanetseng go elwa tlhoko:

- Leina la motho yo o romelang taletso.
- Leina (ditlhaka tsa ntlha tsa maina) le sefane tsa molalediwa.
- Bolela gore se molalediwa a lalediwang kwa go sona ke eng, sekao, o laletsa rroropo go tsenela tiragalo ya go kokoanya matlole.
- Fa go tlhokega bolela lebaka la moletlo.
- Neela lefelo, letsatsi, letlha le nako ya moletlo.
- Ka kopo araba ('R.S.V.P') neela letlha le molalediwa a tshwanetseng go araba ka lone.
- Bolela mokgwa wa moaparo o o tlhokegang, sekao, makgethe a a lokologileng.